

NAQQIUT**Ataatsimiititaliap ilassutitut isumaliutissiissutaanut 8. november 2021-meersumut
taarsiullugu**

(Kalaallisut allaqqasortaani "isumaliutissiissut" allaqqavoq. Taanna "ilassutitut
isumaliutissiissut"-mut aqqinneqarpoq)

Uunga siunnersuut:**Aningaasarsianit akileraarutit pillugit Inatsisartut inatsisaata allanngortinneqarneranik
Inatsisartut inatsisaat**

(Akeqanngitsumik biileqarnerup, akiliunneqarluni angalanerit, akeqanngitsumik
oqarasuaateqarnerit, akeqanngitsumik internetseqarneq, akeqanngitsumik nerisaqarnerup,
akeqanngitsumik ineqartinneqarnerup akileraarutitigut nalinga, akileraarutini ilanngaatinik
il.il. inatsimmi aalajangersaaneq, suliffeqarfiit nunani allani illersornissamut oqartussat
sullillugit suliassanik suliarinnittartut Kalaallit Nunaanni akileraarutitigut
angerlarsimaffeqarnissamik pisussaaffeqarnerat, transfer pricingimi uppernarsaasiinissamut
piumasaqaatinik naammassinninnginnermi pineqaatissiissutit aamma ingerlatseqatigiiffiit
akileraarummik akiliigallartarnerat il.il.)

Aningaasaqarnermut Nunamullu Namminermut Naalakkersuisumit saqqummiunneqartoq

pillugu**Aningaasaqarnermut Akileraarnermullu Ataatsimiititaliap****siunnersuutip aappassaaneerseqarneranut****ILASSUTITUT ISUMALIUTISSIISUTAA**

Aningaasaqarnermut Akileraarnermullu Ataatsimiititaliap suliarinninnermini ilaasortarai:

Inatsisartunut ilaasortaq Jens Napaattooq, Naleraq, siulittaasoq

Inatsisartunut ilaasortaq Erik Jensen, Siumut, siulittaasup tullia

Inatsisartunut ilaasortaq Hans Aronsen, Inuit Ataqtigiit

Inatsisartunut ilaasortaq Agathe Fontain, Inuit Ataqatigiit
 Inatsisartunut ilaasortaq Aqqalu Jeremiassen, Atassut
 Inatsisartunut ilaasortaq Vivian Motzfeldt, Siumut
 Inatsisartunut ilaasortaq Jens-Frederik Nielsen, Demokraatit

Immikkoortup matuma ulloq 03.11.2021-mi aappassaaneerneqarnera atorunnaarsinneqassasoq siunnersuullu Aningaasaqarnermut Akileraartarnermullu Ataatsimiititaliamut innersuuteqqinneqassasoq Inatsisartut aalajangiuppaat. Taamaattumillu immikkoortoq ataatsimiititaliamit suliarineqaqqippoq.

Ilassutitut isumaliutissiissummut matumunnga tunuliaqutaasoq

Immikkoortup matuma aappassaaneerneqarnerata atorunnaarsinneqarnissaa Inatsisartut ulloq 3. november 2021-mi aalajangiuppaat. Aalajangernermit tunuliaqutaavoq Atassutip oqaaseqartartuata, partiip Aningaasaqarnermut Akileraartarnermullu Ataatsimiititaliamut ilaasortaatarisaa, aappassaaneerinninnermi oqallinneq tunngavigalugu siunnersuummut ataatsimiititaliap inassuteqarneranut isummaminik allanngortitsinera.

Ilassutitut isumaliutissiissuttip matuma siuneraa

Ataatsimiititaliap inassuteqaataata paasinarsinneqarnissaa tamannalu pillugu nutaanik oqaaseqaateqarnissaq ilassutitut isumaliutissiissuttip matuma siunertaraa. Siunnersuutip imarisaanut erseqqinnerusumik nassuiaatit pillugit ataatsimiititaliap aappassaaneerinninnissamut isumaliutissiissutaa 2. november 2021-meersoq ataatsimiititaliamit innersuussutigineqarpoq.

Aningaasaqarnermut Nunamullu Namminermut Naalakkersuisumit allakkat:

Aningaasaqarnermut Nunamullu Namminermut Naalakkersuisup allagai Aningaasaqarnermut Akileraartarnermullu Ataatsimiititaliamit ulloq 5. november tiguneqarput. Allakkat isumaliutissiissummut unnga ilanngussaq A-tut ilanngunneqarput.

Ataatsimiititaliap inassuteqaatai

Tamanna tunngavigalugu siunnersuut, Naalakkersuisut allannguutissatut siunnersuutaat ilanngullugit, itigartinneqassasoq ima tunngavilersuuteqarlutik ataatsimiititaliami amerlanerussuteqartut Siumumeersut, Demokraatineersut Atassummeersullu inassutigaat:

Siumut: ” Naalakkersuisooqatigiit maanna innuttaasut kaasarfi aallarfigalugit aalleqattaalersimanagerat immikkoortup uumap uppernarsaqqikkaa. Taamaattumik Siumumiik qinequsaarnermi oqariartuutigisimasartik qimalluinnarsimagaat, tassalu innuttaasut kaasarfi aallarfigineqaqqissanngitsut ilumuunngitsoq uppernarsarparput.

Taassumap saniatigut inatsimmi maanna ilinniarsimasut kiisalu suliffiminni ingerlalluartut kalaaleqatigut pillarneqarnissaat Naalakkersuisooqatigiit ingerlatiligaat, siunissami ilinniarluaqusinissamut qaffasissumillu inissisimalernissaannut orniginarsaataangilluinnarpoq. Inatsimmi innuttasut 3.400 missaat akileraarnerulissapput katillugu 6 mio. koruuningajaat innuttaasut kaasarfiiniit aallertoqalerluni. Illuanilu akissaatikinnerusunut akunnattumillu isertitalinnut pitsanngorsaatinik Naalakkersuisooqatigiit saqqummiussaqaaratik. Taamatuttaaq suliffeqarfiutillit qaavatigut akileraarusersuiffigineqalissapput namminersortuunermik ingerlatsinissamik kajormarunnaarsaanertut oqaatigineqarsinnaasumik.

Siumumiik suliffeqarnissamut kalaaleqatittalu qaffasinnerusumik atorfinni inissisimalernissaannut orniginarsaanginneq, akileraarutitigullu pillaanarneq akuerinngilarput. Inuit imminnut napatinnissaminnut ingerlasut kaasarfiisa mangiarneqarneri akuerisinnaannginnatsigu.”

Demokraatit: ” Demokraatit tunngaviusumik isumaqatigivaat akileraartarnermut tunngasuni inatsisit pitsaasu-ussasut pissusissamisuumngitsumillu immiinnut iluaqusinnginnissamut qulakkeerinnissasut. Taamaattorli inatsimmi uani Demokraatit akuerisinnaanngissaanik arlalinnik imaqarpoq.

Inatsisimut siunnersuut assigiinngittumik akileraartarnermik pilersitsissaaq (progressiv beskatning) inuiaqatigiinni suliffitsik aqutigalugu ineqartitaagunik biileqartitaagunilluunniit akileraarnerusalissammata.

Naalakkersuisut oqariartuutigigaluarpaat siunertaanngittoq akileraarutit qaffanneqarneri illuatungaani aamma oqariartuutigillugu akileraarutitigut 6 mio. kr.-nik isertitsinerusalissasut aammalu oqaatigalugu naligiinnerulernermik pilersitsissasooq. Demokraatini isumaqarpugut inuiaqatigiinni akileraartarnikkut nammakkorsorneqarnerput annertuallaareersoq akuerisinnaanagulu qaffaasoqassasooq illuatungaani akileraarutit allanik appaangikkaanni. Una siunnersuut ajorluartumik takutiinnarpaa qineqqusaarnermi neriorsuutigisimasat imaqanngittut inuiaqatigiillu kaasarfi suli aallerfiginiarneqqartut. Naalakkersuisut siunnersuutit allat itigartittaqaattaarpaat tunngavilersorlugulu akileraartarnermut aaqqissuusseqqittoqassamat taamaattorli uani takuarput sioqqussillutik innuttaasunut ilaannut akileraarutigineqartartut qaffanniarai.”

Atassut: ”Atassutip qineqqusaarnermi progressiviusumik akileraarusersuisarnermut akerliunera pillugu oqaaserineqarsimasut attakkusuppai, maannali ajorluartumik sulinerlutik atatillugu ajunngitsorsiaqartitaanermi akileraarusersuinikkut qaffaasoqartussanngorpoq, malittaani kr.6mio iluanaarutigineqarnerunissai naatsorsuutigineqarluni.

Kaasarfinniik aallertoqaqqissinnaanissaa iisinnaanngilarput Atassummiit, anguniakkatsinnullu assortorpoq. Aningaasaqarnermut akileraartarnermullu ataatsimiitsitaliami taamaalilluta imm. 17 tapersorsorsinnaanatigu nalunaaruteqarpugut.”

Ataatsimiitaliami ikinnerussutegartut Inuit Ataqatigiinneersut Naleqqameersullu ikinnerussutegarlutik ima oqaaseqaateqarumapput:

”Siunnersuut atorfeqarnermut suliffeqarnermullu atatillugu akeqanngitsumik ajunngitsorsiassat qanoq akileraartarnikkut naleqarnerinik akileraartarnikkut nalimmassaanermik anguniagaqarpoq.

Assersuutitut taaneqarsinnaavoq arlaqarput.

*Suliffimmi nerisaqarnermut akilitigineqartartut annikilliniarnearput. Assersuutigalugu sulisut nereqateqartarnerat 7.600 kr appaavigineqassaaq. Unalu siunnersuut **akuerineqanngippat**. sulisut kaasarfiiniit ukiumut 7.600 kr aallerfigineqassapput. Tamatutaaq pingaaruteqarpoq erseqqissassallugu perorsaasut nerisaqartitaanerisa akileraarutaasarnera allanngortinneqanngimmat.*

Suliffeqarfiup akiligaanik sulinerup avataatigut akeqanngitsumik biileqarneq ukiumut skat-i suli peernagu 60.000kr-mik nalilittut akileraartarnikkut isertitatut allanneqartartup nalinga 70.000kr-mut qaffanniarneqarpoq. Tassa ukiumut qaffaat 10.000kr, imaluunniit eqqortoq oqaatigalugu 10.000kr-p 42% akileraarutitigut qaffaataavoq, tassalu suliffeqarfiup akiligaanik sulinerup avataatigut akeqanngitsumik biileqarnermut ukiumut qaffaat annertussuseqarpoq 4.200kr, imaluunniit qaammammut 350kr.

Siunnersuumi allaqqavoq. Siunnersuutit malitsigisaannik akeqanngitsumik biileqartitaanerup nalinga ukiumut 70.000 koruuninut aalajangersarneqarpoq, taamaattoq illoqarfimmi pineqartumi biiliniq atuiiffiusumi aqqusernit annertussusaat 25.000 kvadratmeterit aamma 75.000 kvadratmeterit akornanni annertussuseqarpat, annertussusiliusaaq 35.000 koruuninut appartinneqassalluni. Illoqarfimmi pineqartumi biilit atornerqarfiani aqqusernit annertussusaat 25.000 kvadratmeterit inorlugit annertussuseqarpat, annertussusiliusaaq 17.500 koruuninut appartinneqassaaq. Aqqusernit annertussusaannik uuttortaanermi Asiaq teknikkikkut nunap assiliai tunngaviusut aallaavigineqassapput.

Erseqqissaatigissavarput suliffimmiit pisariaqavissumik biileqartitaasut soorlu qatsersartut, vvs-ni pigaartuussartut, il.il. immikkut isigineqarlutik , suliffimminiit biileqarunik akileraartitaassanngimmata.

*Taamaappoq aamma akeqanngitsumik ineqarnermik, telefoneqarnermik internet-
eqarnermilluunniit neqeroorfigineqarneq akuersaarsimagaanni, akeqanngitsumik
tunniunneqartup nalingata akileraarutiginnissaa.*


*Siunnersuummi siunnersuutip ingerlatseqatigiiffinnut pitsaasumik kinguneqarnissaa
illuatungiliuttut unitsinniarsarigaat uggornarpoq. Tassami ingerlatseqatigiiffiit ukioq
naanissaa utaqqinagu ingerlatseqatigiiffinnut akileraarutissartik a-
contorsinnaanngussagaluarmassuk, taamaaliornermikkullu ukioq naappat
akileraarsimanginnertik ilutigalugu pillaataasumik akileraarutissamik qaavisigut 6%-imik
akileraarnissaraluartik pinngitsoortillugu. Tamannali illuatungiliuttut
pinngitsoortikkusukkaat assut uggornarpoq.*

*Tamatumalu ilutigisaanik aamma namminersortuaqqat umiatsiaararsortullu
akileraarutissaasa akilernissaanik periarfissaasa pitsanngorsaaviginiarnerigalui uani
inatsisissami qulakkeerniaraluakkagut akerlilerlugit illuatungiliuttut sukataaruteqarnerat
uggornarpoq. Tassami ukioq naallugu akileraarutissamik akilersinnaanngornissaannik
ammaassiniarneq unitsinniarpaat, tamannalu uggornarpoq.*

*Allaffissornikkut pisariillisaanermik anguniagaq Inuit Ataqatigiinniit Naleqqamiillu
anguniarneqartoq, allaffissornerup pisariunerulernissaanik anguniagaqarluni
illuatungiliuttuniit unitsinniarneqarnera uggornarpoq.”*

Tamanna tunngavigalugu siunnersuut, Naalakkersuisut allannguutissatut siunnersuutaat
ilanngullugit, **akuerineqassasoq ataatsimiititaliami ikinnerussuteqartut siuliani
taaneqartut inassutigaat.**

Taama oqaaseqarluni isumaliutissiisummilu allassimasutut paasinnilluni ataatsimiititaliap siunnersuut aappasaaniigassanngortippaa.




Jens Napaattooq
Siulittaasoq



Erik Jensen
Siulittaasup tullia

Hans Aronsen



Agathe Fontain



Aqqalu Jerimiassen



Vivian Motzfeldt



Jens Frederik Nielsen

P.v.a.



**Aningaasaqarnermut Akileraartarnermullu Ataatsimiititaliaq
/-Maani**

Ilanngussaq
Bilag A

**UKA 2021/17 – Oqaloqatigiinnerit tunuliaqutaralugit siunnersuutip
annertussusianik erseqqissaat**

Brevdato: 05-11-2021
Sags nr. 2020 - 23155
Akt id. 18394985

Asasakka Aningaasaqarnermut Akileraartarnermullu Ataatsimiititaliami ilaasortat.

P. O. Box 1037
3900 Nuuk

Siunnersuutip aappassaaneerreqarnerani ataatsimiittarfimmi oqallinneq tunngavigalugu, akeqanngitsumik ajunngitsorsiat ilaasa oqallinnermi qitiusut, akileraaruserneqarneranut atatillugu taakku annertussusaannik nassuiaateqarnissaq pisariaqartoq nalilerneqarpoq. Taanna tunngavigalugu Inatsisartut aalajangererat paasinerluinernik aallaaveqarnani paasissutissanik eqqortunik tunngaveqarluni pisinnaasoq neriutigaara.

Tel. (+299) 34 50 00
Fax (+299) 34 63 50
E-mail: oed@nanoq.gl
www.naalakkersuisut.gl

1. Akeqanngitsumik nerisaqartitaaneq

- Siunnersuutikkut qanoq pisoqarnerani akeqanngitsumik nerisaqarnerup akileraaruserneqarnera allanngortinneqanngilaq.
- Perorsaasut sulinerminnut atatillugu meeqqerivimmi meeqqanik nereqateqartut akeqanngitsumik nerisaqarnerminnut akileraarusiiffiqineqassanngillat. Taamaaliornikkut malittarisassanut atuutereersunut atatillugu siunnersuut allannguinngilaq.
- Utoqqaat utoqqaat illuanni akeqanngitsumik nerisaqartut aamma nerisaminnik akileraarusiiffiqineqassanngillat.
- Siunnersuutikkut ullumikkut akilersuititsisarnerit marluusut ataasiinnanngortinneqarput. Akiliut siulleq amerlanernut ullumikkornit akeqanngitsumik nerisat appasinnerusumik akileraaruserneqarnerannik nassataqassaaq. Kisiannili aatsitassarsiornermi sulisunut Namminersorlutilluunniit Oqartussat kommuninulluunniit illuutissaanik sanaartortunut 500 mio. kr.-t sinnerlugit naleqartunik akit akiliutit annikitsumik qaffassapput.

2. Akeqanngitsumik sulinngiffeqarluni angalanerit, atorfimmuut atatillugu angalanerit kiisalu ilaannakortumik atorfimmuut atatillugu angalanerit

- **Sulinngiffeqarluni angalanerit** – Ukiumut ataasiarluni akileraarusigaanngitsumik sulinngiffeqarluni angalanerimut suli pisinnaatitaaffeqartoqarpoq. Tassuuna malittarisassat atuutereersunut sanilliullugu allannguisoqanngilaq. Malugiuk akiliunneqarluni angalanerup nalingata qaffasinnerpaaffiunera, tamannalu akileraarusiinerup killilernissaa siunertaralugu atulersinneqarpoq, angalanerillu amerlanerpaat qaffasinnerpaaffik taanna ataallugu ingerlanneqarsinnaapput.
- **Atorfimmuut atatillugu angalanerit** – siunnersuut atorfimmuut atatillugu angalasarnerit allannguiiffiqineqarnerannik nassataqanngilaq. Taakku

ullumikkut akileraarusigaangillat inatsisissatullu siunnersuutip atulerneratigut akileraaruserneqassanatik.

- **Ilaannakortumik akiliunneqarluni angalaneq** – tamanna assersuutigalugu sulinermit atatillugu angalanerussaavoq, sulinermit alanganermit tapiliullugu ataannartumik ullut tallimat sinnerlugit feeriarfiuvoq. Taamaalilluni angalanermit aningaasartuutit naapertuuttut siunnersuutikkut nutaanut akileraaruserneqartussanngussapput. Tamannali taamaallaat ukiumut ataasiarluni akiliunneqarluni sulinngiffeqarnermit angalanerup atorneqannginnerani pisinnaavoq. Atorneqarsimatinnagu ilaannakortumik sulinermit atatillugu angalaneq aamma akileraaruserneqassanngilaq, tassanilu angalanerup akiliunneqarluni sulinngiffeqarnermit atatillugu angalasarnermit malittarisassat iluanni ingerlanneqarnera tunngavissaatinneqarpoq.
- **Akeqanngitsumik angalaneq – inuit kommunit agguarnerisa avataanniittut.** Taanna ilaatigut Pituffimmi sulisut angalanerannut attuumavoq. Angalanerit taamaattut ullumikkut angalanerup siulliup kingorna pisut 2.000 kr.-nik akileraarusiiffiqineqartarput. Siunnersuut naapertorlugu taakku sulit 2.000 kr.-nik akileraarusiiffiqineqassapput.

3. Akeqanngitsumik ineqarneq

- Qaqugu akeqanngitsumik ineqarnermit akileraartussaataaneq siunnersuutikkut allanngortinneqanngilaq.
- Inissiap iluanaarutaatut naatsorsugaq kvadratmeterimut 15.000 kr.-usoq qaffanneqarpoq. Tamanna inissiap pisiarinerani kvadratmeterimut 15.000 kr.-nit qaffasinnerunerani akeqanngitsumik inigineqartup nalingata qaffannera nassatarisinnaavaa.
- Inuk attartortitsisoq ineqarnerminut akiliisarpat, aallaavittut akeqanngitsumik ineqartoqarsimassanngilaq.
- Ineqarnermit akiliutigineqartoq inissiap akileraarusiisarnikkut nalinganik appasinnerunerani, tamanna ilaannakortumik akeqanngitsumik ineqartitaanermit akiliisitsinermik *malitseqarsinnaavoq*. Tamanna taamaallaat appasissumik ineqarnermit akiliisarnermi kiisalu inissiap akileraarusiisarnikkut nalingata ineqarnermit akiliummit qaffasinneruneranni aatsaat pisassaaq. Tamanna maleruagassani maanna atuuttuni aalajangersagaareerpoq.
- Namminersorlutik Oqartussat inissiaataat ataatsimut isigalugu pisoqaapput aserfallatsaaliorneqarnerallu pitsaavallaarnani. Taamaammatt siunnersuut peqqinnissaqarfimmi sulisut annertunerusumik akileraarusiiffiqineqarnerannik nassataqassanngilaq, peqqinnissaqarfiummi sulisut ullumikkut ineqartitaanerminnut naapertuuttumik akiliuteqartareerput. Peqqinnissamut Naalakkersuisoqarfik inatsisissatut siunnersuummut akerliliiinissamik patsisissaqartitsisimannngilaq. Inatsisissatut siunnersuut ilimagisat akimorlugit peqqinnissaqarfiup sulisoqarniarneranut annertuumik kinguneqassappat, Naalakkersuisut peqqinnissaqarfimmi sulisunut ineqarnermit atugassarititaasut isumatusaartuunersut nalilissavaat.

4. Akeqanngitsumik biileqartitaaneq

- Siunnersuutikkut qaqugu akeqanngitsumik biileqartitaanermut akileraartussaataitaaneq, qaquguluunniit akeqanngitsumik biileqartitaanermut akileraaruserneqartussaanninneq allannortinneqanngilaq.
- Inuit pigaartut aggersarneqarsinnaasut suli biilip inuinnartut angalanernut atorneqannginnerani akeqanngitsumik biileqartitaanermut akileraaruserneqartussaataitaanngillat. Tassani assersuutigalugu ruujorilerisut (kuuffissuarnik suliaqartut) qullilerisullu aggersarneqarsinnaasutut pigaartuusut pineqarput.
- Biilileriffinni biiliniq biilinillu immikkut ittunik atugassaqaarneq biilinit allanit appasinnerusumik akileraaruserneqartarpoq.
- Lastbiiliniq, eqqaavilerisut biilinnik imermik/orsussamik assartuutiniq il.il. 4 tonsinit oqimaannerusunik atugassaqaarneq suli akileraarusigaanngilaq.
- Siunnersuut kia qaquguluunniit akileraartussaataitaaneranut inatsisinut atatillugu allannguutiniq nassataqanngilaq. Akeqanngitsumilli biileqartitaanermut akiliutit nalimmassarneqarput, taakkumi kingullermi ukiut aqqanillit sinnerlugit matuma siorna nalimmassarneqarnerannit, akit qaffakkiartorneri malillugit naleerukkiartorsimmammata.

Inussiarnersumik inuulluaqqusillunga



Aasi Chemnitz Narup